



Putnička agencija "Santours" d.o.o. Travnik
Bosna i Hercegovina

KRALJEVSKI GRADOVI MAROKA

08.10. - 17.10.2019.

10 DANA

Kraljevina Maroko je najzapadnija država sjeverne Afrike. Na sjeveru je okružuje Sredozemno more, od Evropskog kontinenta razdvaja je Gibraltarski moreuz, na zapadu je zapljuskuje Atlanski okean, na jugu se prostire Sahara, dok na istoku obronci planine Atlas prave granicu sa Alžir i Mauritanijom. Priroda ove zemlje Magreba je puna kontrasta: Maroko odlikuju visoke planine i prostrane plaže, pustinje, ski centri poput onih u Alpima, oaze, vinogradi i cvijetna polja izrazitih kolorita. U ovoj afričkoj zemlji danas vlada mladi kralj Mohamed VI po ugledu na moderne evropske monarhije. Carski gradovi Marakeš, Fes, Meknes i prijestolnica Rabat najveće su blago ove zemlje. U njihovim medinama se vijekovima ništa ne mjenja. Unutar njih, u lavirintu uskih sukova, život sitnih zanatlija i trgovaca odvija u potpuno drugom vrtlogu vremena, a samo nekoliko koraka dalje, nalaze se raskošni bulevari, zgrade moderne arhitekture i luksuzni hoteli.

1. DAN - 08.10.2019. - SARAJEVO - ISTANBUL

Sastanak putnika na aerodromu u Sarajevu 2 sata prije leta. Let na relaciji Sarajevo - Istanbul (TK1026) u 21.10h. Slijetanje u Istanbul 00.05h. Transfer do hotela i noćenje u Istanbulu.

2. DAN - 09.10.2019. - ISTANBUL - KAZABLANKA

Doručak. Transfer do aerodroma. Let (TK617 Istanbul - Kazablanka planiran je u 11:20 sati. Dolazak u Casablancu planiran je u 14:15 sati po lokalnom vremenu. Nakon slijetanja, pasoške i carinske kontrole sastanak sa vodičem i obilazak ekonomske i industrijske središta Maroka: trga Mohameda V., rezidencijalne četvrti Anfa, vožnja uz promenadu Ain Diab uz more, razgled (izvana) veličanstvene džamije kralja Hassana II, jedne od najvećih džamija na svijetu, vožnja pored katedrale do četvrti Habous, Trga Muhameda V. i Trga Ujedinjenih naroda, primjera marokanske secesijske arhitekture. Nakon razgledanja smještaj u hotel. Večera. Noćenje.

3. DAN 10.10.2019. KAZABLANKA - RABAT

Doručak. Posjeta džamiji kralja Hasana. Polazak prema Rabatu, glavnom gradu Kraljevine Maroko. Po dolasku slijedi panoramski obilazak grada: Oudaya Kasbah s prekrasnim andaluzijskim vrtom i uskim bijelo - plavim uličicama, mauzolej Mohameda V. koji će vas zadiviti svojom ljepotom tradicionalne marokanske arhitekture
Smještaj u hotel. Večera. Večera i noćenje.

4. DAN 11.10.2019. RABAT - MEKNES - FES

Doručak. Nastavak putovanja prema Meknesu, grad koji je okružen sa 40km dugim zidinama, nekada prijestolnica sultana Ismaila. Oblazak ostataka nekadašnjeg "marokanskog Versaja", zatim veličanstvena "Bab Mansour" kapija, najljepša kapija sjeverne Afrike.

Posjeta Volubilis, te razgled ostataka ruševina iz Rimskog doba, gdje su mnogi mozaici ostali netaknuti.

Nastavak putovanja prema Fesu. - kraljevskom gradu koji je već više od 10 vijekova jedan od najsnažnijih centara islamske nauke i duhovnosti. Smještaj u hotel. Večera. Noćenje.

5. DAN 12.10.2019. - FES

Doručak. Razgledanje grada počinjemo sa obilaskom srednjovjekovne Medine, zidom okružen stari Fes sa lavirintom ulica, Fes-El-Bali, Atarine medresa, Bou Inania medresa, Nejjarine Fontana, Zawia Moulay Idriss II - džamija sa grobom istoimenog sultana (posjeta izvana), utemeljitelja Islama u Maroku. Poslijepodne odlazak u bazaar, te šetnja bazarom gdje ćete imati priliku da vidite kako je vrijeme u ovom bazaru stalo još prije par vijekova. Večera. Noćenje.

6. DAN 13.10.2019. - FES - MARAKEŠ

Nakon doručka polazak za Marakeš preko Atlas planina, gdje ćete uživati u veličanstvenim krajolicima. Dolazak u Beni Mellal, moderni grad i ekonomska centar regiona-kratki obilazak.. Nastavak putovanja prema Marakešu i dolazak u kasnim popodnevnim satima. Odmor. Večera. Noćenje.

7. DAN 14.10.2019. - MARAKEŠ

Doručak. Slijedi razgled „Bisera Juga“ kako nazivaju Marrakech. Grad je utemeljila dinastija Almoravida krajem 12. vijeka kada su sagrađene blistave palače i parkovi. Obilazak arhitektonskog remek djela minareta Koutoubia, grobnica Saadien, ugodnih, mirnih vrtova Menara i palače Bahia. Slijedi šetnja labirintom malih, uskih uličica i živopisnim soukom s marokanskim rukotvorinama. Na kraju ćete posjetiti čuveni trg Djemaa el Fna, žilu kucavicu grada. U večernjim satima trgom odiše mješavina mirisa, svjetlosti i zvukova s pripovjedačima legendi, zabavljačima, krotiteljima zmija, vodonošama. Povratak u hotel. Večera i noćenje.

8. DAN 15.10.2019. MARAKEŠ - KAZABLANCA

Doručak. Povratak u Kazablanku. Dnevna vožnja. Smještaj u hotel, slobodno vrijeme, večera i noćenje.

9. DAN 16.10.2019. KAZABLANKA - ISTANBUL

Doručak. Let iz Kazablance za Istanbul planiran je u 15:55. Po dolasku u Istanbul u 22:20 sati, transfer do hotela. Noćenje.

10. DAN 17.10.2018. - ISTANBUL - SARAJEVO

Doručak. Polazak za Sarajevo u ranim jutarnjim satima. Let na relaciji Istanbul - Sarajevo (TK1021) u 07.15h. Slijetanje u Sarajevo 08.10h.

FIRST MINUTE CIJENA ARANŽMANA 1599,00KM DO 30.05.2019.

REGULARNA CIJENA ARANŽMANA 1799,00KM OD 01.06.2019.

CIJENA UKLJUČUJE:

- Kompletnu organizaciju uz pratioca putovanja.
- Avio prevoz Sarajevo-Istanbul-Casablanca-Istanbul-Sarajevo
- Posjete i razgledi prema programu putovanja
- 2 noćenja u Istanbulu u hotelu 3*, na bazi 2 noćenja sa doručkom (u polasku i u povratku),
- 1 noćenje u Rabatu u hotelu 4*, na bazi polupansiona
- 2 noćenja u Fesu u hotelu 4*, na bazi 2 polupansiona
- 2 noćenja u Marakešu u hotelu 4* na bazi 2 polupansiona,
- 2 noćenja u Kazablanci u hotelu 4*, na bazi 2 polupansiona,
- Svi transferi autobusom,
- **Ulaznice po programu: (Marrakech: Bahia Palata, Saadiens turbe, Majorelle vrtovi; Fes: Medresa Bouaania i Volubilis)**
- Usluge stručnog lokalnog vodiča na engleskom jeziku tokom putovanja,
- Usluge pratioca grupe-predstavnika agencije organizatora putovanja na našem jeziku,
- Troškove organizacije i rezervacije.

CIJENA NE UKLJUČUJE:

- Aerodromske i sigurnosne taxe **450,00KM,**
- Ulaznica u džamiju Hassan II u Casablanci - **15 EUR**
- Bakšiš za vozača i lokalnog vodiča
- Marokanska viza **60,00 KM**
- Doplata za 1/1 sobu **350,00 KM,**
- Putno zdravstveno osiguranje 20 KM,

NAPOMENA:

Za putnike sa BiH pasošem potrebna je viza za Maroko, a nadležno je veleposlanstvo Kraljevine Maroko u Zagrebu. Agencija obezbjeđuje vizu, a potrebna je sljedeća dokumentacija:

- biometrijski pasoš sa rokom važenja minimum 6 mjeseci,
- 2 x fotografija 3 x 4 cm (bijela pozadina formata za pasoš),
- obrazac za izdavanje vize (preuzima se u agenciji)
- kopija lične karte
- potvrda o zaposlenju (ovjereno Apostile pečatom) + tri posljednja izvoda iz banke
- za penzionere: potvrda o penzionisanju iz PIO/MIO (ovjereno Apostile pečatom), tri posljednja čeka od penzije i tri posljednja izvoda iz banke
- **Putnici sa HR putovnicom ne trebaju vizu!**

Program rađen u saradnji sa agencijom Buenavista